



**UDRUŽENJE GRAĐANA ZA POVRAT STARE
DEVIZNE ŠTEDNJE U BiH i DIJASPORI**

RAIFFEISEN BANKA
ž.r. 1610450036820073
e-mail: nnisic@spinter.net
www.starastednjabh.org

Sjedište: Banja Luka 78000
I. G. Kovačića 139b
tel. 051/380-738
fax. 051/381-374

UPRAVNI ODBOR

Broj: 1461/09

Banja Luka, 22.01.2009.

**VLADA FEDERACIJE
BOSNE I HERCEGOVINE**

71000 Sarajevo, Alipašina ulica bb.

N/r Zamjeniku premijera i ministru finansija Vjekoslavu Bevandi

Predmet: Produženje verifikacije stare devizne štednje - Demant izjave Vjekoslava Bevande

Gospodine Bevanda,

Mada već odavno mi u Udruženju građana za povrat stare devizne štednje u Bosni i Hercegovini i dijaspori govorimo "**ništa nas ne može iznenaditi**" kada su u pitanju vlasti u Bosni i Hercegovini, priznajemo da smo iznenađeni Vašom izjavom koju su objavili Dnevni Avaz i Oslobođenje od 22.01.2009. godine, a koja se odnosi na sjednicu Vlade Federacije BiH, odnosno emitovanje obveznica za staru deviznu štednju i produženje verifikacije do kraja avgusta ove godine.

U toj izjavi, između ostalog kažete, "**a kako je dio građana vjerovao kojekakvim udruženjima pa nije prijavio svoju staru deviznu štednju...**"

Gospodine ministre Bevando,

Želimo istaknuti da je i Udruženje građana za povrat stare devizne štednje u Bosni i Hercegovini i dijaspori bilo, a i sada je i uvijek će biti veliki protivnik verifikacije stare devizne štednje i podsjetiti Vas da je ovo udruženje nevladina organizacija sa najvećim brojem članova u Bosni i Hercegovini. Sa ponosom ističemo da sastav članstva i organa ovog Udruženja odgovara nacionalnom sastavu Bosne i Hercegovine i da smo primjer multietničnosti. Djelujemo putem svojih ureda u zemlji i inostranstvu (Njemačka, Srbija, Austrija, Francuska, Švajcarska, Švedska). Udruženje su osnovali vlasnici i nasljednici vlasnika stare devizne štednje sa jednim jedinim ciljem: isplata stare devizne štednje građanima BiH u što kraćem roku nezavisno od toga u kojoj su banci ostavili svoje devize i gdje sada žive. Udruženje građana za povrat stare devizne štednje u Bosni i Hercegovini i dijaspori je upisano u Registar koji se vodi kod Ministarstva pravde Bosne i Hercegovine 2004. godine. U toku svog djelovanja, iz osnovnog cilja pravičnog obeštećenja vlasnika računa stare devizne štednje proistekli su i drugi srodni ciljevi djelovanja. Udruženje je proširilo svoje djelovanje u cilju suzbijanja zloupotreba sa starom deviznom štednjom i u cilju kažnjavanja odgovornih za pljačku stare devizne štednje, borbu protiv kriminala i korupcije uopšte, pomoć najugroženijim članovima Udruženja kojima njihova štednja nije dostupna, kao i izgradnju civilnog društva i vladavinu prava i demokratije.

Kada biste bar na trenutak bili iskreni i poštteni i sami biste priznali i iznijeli razloge zbog kojih je verifikacija stare devizne štednje, glupa, nepotrebna, skupa i u suštini aktivnost koja samo koristi

kriminalcima i onima koji vrše malverzacije starom deviznom štednjom. Međutim, kada biste Vi bili iskreni i poštenj onda ne biste bili Vjekoslav Bevanda.

U državi funkcionira bankarski sistem, ali se u cilju bogaćenja pojedinaca predviđela obavezna verifikacija stare devizne štednje u neakvim agencijama. Je li to verifikacija???

Gospodine Ministre, objasnite građanima Bosne i Hercegovine gdje je novac koji je od sukcesije bivše SFR Jugoslavije uplaćen u Centralnu banku, oko milijardu i 500 miliona dolara a koji je bio isključivo namjenjen za isplatu takozvane stare devizne štednje. Taj novac ste Vi, Vaši ministri i Vaši parlamentarci podijelili na privatne račune i iznijeli iz Bosne i Hercegovine. Ali, budite uvjereni da ćemo doći do tih podataka gdje se naš novac nalazi na privatnim računima.

Interesuje nas gdje je, osim stare devizne štednje građana, "nestalo" 13 milijardi dolara donacija koje su uplaćene za obnovu i izgradnju BiH. Pokrali ste a s mjesta se makli niste. Sve što ste uradili od 1996. godine pa do danas, osim što ste krali, pravi političari i stručnjaci bi uradili za tri mjeseca.

Zakon kao nigdje u svijetu predviđa otpis ranije ugovorenih kamata. Je li to verifikacija???

Konverzija USA dolara, Britanskih Funti, Švicarskih Franka, Švedskih Kruna u KM je za Vas verifikacija???

Odricanje od prava na tužbu je za Vas verifikacija???

Razmišljate li kako ćete verifikovati patnju i bol koju trpe vlasnici stare devizne štednje i kroz šta sve su što su prošli u ovih osamnaest godina???

Znate li kako je Republika Hrvatska riješila staru deviznu štednju i svojih, ali i štediša u Bosni i Hercegovini???

Budite hrabri gospodine Bevanda, kažite to, kažite ono što bi po Vama trebala biti pravda. Nemojte one koji traže svoje i to traže osamnaest godina nazivati "kojekakvima". Kao kojekakvi će se pamtili oni koji su zagovarali sramotna rješenja, pa makar oni bili i kojekakvi ministri.

Znate li da Ustavni sud BiH nije htio raspravljati o jednom zahtjevu baš za ocjenu ustavnosti odredbi o verifikaciji u Zakona o izmirenju obaveza po osnovu računa stare devizne štednje iz razloga što je verifikacija okončana.

I na kraju Gospodine Bevanda znate li da je svega 3% stare devizne štednje verifikovano i da se ovaj procenat nikada neće povećati???

Zato nemojte 97 % nazivati kojekakvima. Da li će biti otvorena mogućnost poništenja verifikacije. Znate li koliko prevarenih hoće da je poništi.

Zašto se ne izborite za pravo uvida u dokumentaciju i izdavanja uvjerenja i duplikata štednih knjižica onim štedišama kojima su štedne knjižice izgorjele i nestale u ratu.

Vaši APIF-ovi i AFIP-ovi koji su "isprepadali" 4000 štediša koji su pokrenuli tužbu, da će se smatrati da odustaju od tužbenog zahtjeva ako ne verifikuju štednju. Badava ste trošili papir i novac deviznih štediša koji su svoj novac pošteno zaradili i predali na povjerenje Bosni i Hercegovini. Vas i drugih kriminalaca se ne bojimo. Uz pomoć Savjeta Evrope i međunarodnog suda pravde doći ćemo do svoje imovine.

Nećemo apelovati na vaše poštenje, jer ga Vi i nemate, ali dajte se malo u pamet, jer ste Vi znali šta je za Vas dobro, a šta loše. Sada ozbiljno griješite.

S poštovanjem,

Za Upravni odbor

PREDSJEDNIK

Svetozar Nišić

Dostavljeno:

1. Tary Daviss Generalni sekretar Savjeta Evrope;
2. Tomas Hamerberger, Komesar za ljudska prava pri Savjetu Evrope
3. Jan-Paul Costa, predsjednik Evropskog suda za ljudska prava
4. Savjetu ministara BiH;
5. OHR-u
6. Ombudsmanima BiH i
7. Medijima